



## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

**Gavanti, Bartolommeo**

**Antverpiæ, 1646**

De Festis Sanctorum mense Decembri. II.

**urn:nbn:de:hbz:466:1-40233**

9 Denique sequemur Ordinem mensium à Vigilia sancti Andreæ, qui est ordo Breuiarij in Proprio Sanctorum; licet attineat ad finem mensis Nouembris.

*De Festis Sanctorum mense Decembri.*

C A P. II.

**D**ie 29. Nouembris. Vigilia S. Andreæ. Extat Decretum de Vigilia Apostolorum apud Clementem lib. 8. Conf. Apost. cap. 39. & Innocentium III. de Observ. ieiun. cap. 2. Officij auctor Pius V. est, qui Vigilijs omnibus addidit Homiliam super Euangelium Missæ, & Orationem eiusdem Missæ: nec anteā fiebat de Vigilia, nisi in Missa; quod hoc loco satis sit semel dixisse. Officium Missæ huius habetur in Antiphonario sancti Gregorij, & Orationes in Sacramentario eiusdem. Epistola, & Euangel. ut in Comite seu Lectionario sancti Hieronymi.

In Aduento nihil fit de Vigilia, nisi in Missa, quia cedit Vigilia Fer. Aduentus digniori. Missa vero dicitur de Vigilia cum commemoratione Feriæ, & S. Saturnini; quibus additur quarta, Fidelium, si incidat in Feriam secundam, & quinta de B. Virgine, iuxta Rubr. gener.

Saturnini. Fiebat de eo Officium in Breu. 1550. Venet. edito; nunc à Pio V. decreta est tantum eiusdem commemoratio. Habentur Orationes Missæ omnes in Sacramentario S. Gregorij.

30. Nouembris. Andreæ Apostoli Festum à primitua Ecclesia, ex Clemente suprà cit. quod Bonifacius VIII. Decreto firmauit, in honorem omnium Apostolorum. Vide Azor.

par. 2. lib. 1. cap. 24. initio. Idem Bonifacius Duplicem stabiluit ritum. Epistola, & Euangelium, ut in Comite Hieronymi. Officium Horarum à S. Gregorio I. qui eidem' Apostolo impensè addictus erat, fuit compostum, ex Beleth cap. 164. tamen Radulph. Propos. 12. affirmat, Antiphonas à Gallis compactas. Officium Missæ, præter Communione, habetur in Antiph. Gregoriano, & in Sacramentario Orationes omnes.

2. Decembri. Bibianaæ Festum in Breu. M. S. antiquissimo Vaticano vol. 4753. Simplex in Breu. 1550. Nunc Semiduplex ab Urbano VIII. anno 1628.

4. Barbaræ. In Appendice Vatic. Sacramentarij Gregor. vol. 3806. meminit Manuel tit. de Feriis. testatur Rad. Prop. 17. à Teutonicis Festum fieri. Simplex erat in Breuiario 1550.

5. Sabbæ. In Breu. Vatic. 4760. Radulph. cit. loco, Romæ fieri scribit. Simplex in Breu. 1550.

6. Nicolai Episc. In Appendice citata Gregoriana. Zonaras in Vita Alexij afferit, hoc Festum institutum undecimo saeculo, hoc est, circa annum 1100. S. Bernardus Sermonem habuit in hoc Festo. Manuel habet in tit. de Feriis. Radul. loco cit. testatur, ab omnibus receptum. Semiduplex apud Duran. lib. 7. cap. 1. Pius V. Homiliam legi iuxta Rubricas, & Lectiones secundi Nocturni emendatores & breuiores edi curauit. si transfertur, muta tertium Versum in Hymno, *Iste confessor.*

7. Ambrosij. Ordinationis Festum est, quia obiit in Sabbato sancto. in dicta Appendice Gregor. habetur, ratione obitus, in Aprili. Bonifacius VIII. Decreto suo Doctores Ecclesiarum Duplici ritu coli præcepit. Officium de Com-

Communi, præter 2. Lectiones. Paulò ante Bonifacium Doctores quatuor Latini habuere Officium Semid. apud Ordinem Minorum anno 1260. vt scribit VVadingus in Annal. Minorum. In Hymno, *Iste Confessor*, mutatur Versus tertius, vt in Breuiario recognito.

8. Conceptionis B. Virginis. A. S. Nicolao habuisse ortum, scribit Ribadeneira; sed vnde probat? puto falli, quia dicitur S. Nicolaus Pontificali ueste indutus apparuisse Abbatii Elsi-  
mo, de quo S. Anselmus, & monuisse,  
vt celebaret hoc Festum. Et Petrus quidem de Natal. lib. 1. Catal. Sanctorum cap. 41. nominat Nicolaum; sed Anselmus scribit de illo Pontifice qui apparuit, vti anonymo. vnde ergo hausit nomen Petrus de Natalibus? Quidquid sit, in Hispania primùm ce-  
lebratum esse hoc Festum Trithemius asserit sub S. Ildephonso; sed negat Salazar de Conceptione B. Virginis cap. 35. num. 53. & cum Bernardino Busto facit auctorem Gondisaluum Episcopum Tholosanum, qui paulò post Ildephonsum vixit, ante an-  
num 800. antequam Graeci & Latini celebrarent, & ibidem num. 54. id pro-  
bat fusiūs. Deinde Fridericus Patriar-  
cha Aquileiensis in suis Ecclesijs Fe-  
stum egit, qui obiit anno 897. ex lib 4.  
*Ligni vita.* In Anglia Anselmus Fe-  
stum edixit, seu Elsimus Abbas, ex lib.  
*Ligni vita* 5.c.103. anno 1109. tum ex  
Baron. in Martyrologio. In Gallia di-  
latatum est circa annum 1145. Manuel commemorat tit. de Ferijs. Ab Ordine  
Minorum ab anno 1263. celebrari de-  
cretum est, ex Annal. Min. citatis su-  
prā. A Romanis ante annos trecentos  
fuisse celebratum Romæ in domo  
Carmelitarum, cum Cardinalium in-

teruentu, Missa solemini, & Sermone de eodem Festo, singulis annis, tam-  
quam de re annotum multorum ante  
se, scribit oculatus testis lo. Bacconus  
in 4. Dist. 2. quæst. 4. art. 3. Postea Six-  
tus IV. euulgauit in omnem Eccle-  
siam anno 1483. Quare ducentis ab-  
hinc annis est Festum vniuersale Ro-  
manæ Ecclesiæ: quod à Concilio quo-  
que Basilensi anno 1438. Seff. 36. fue-  
rat approbatum. Duplex à Sexto IV.  
Officium autem de Natiuitate dicitur  
ex reuelatione Angelica, de qua scribit  
Anselmus in Epistola ad Episcopos  
Angliae. Pius V. innouauit Lectiones.  
Clemens VIII. Duplex maius esse de-  
clarauit. Nonnulli putant, in tertia  
Antiphona ad Laudes pro exorta, dici  
debere *concepta*: sed vsu communi  
non mutatur hoc verbum, & est com-  
mune Conceptioni & Natiuitati, vt  
ritè intelligenti patet.

10. Melchiadis. Ex Decreto Grego-  
rij VII. citato à Microl. cap. 43. in Ap-  
pendice Gregoriana. Simplex in Breu.  
M. S. & in edito 1550. Vbi fit de eo  
Festum nouem Lectionum, dicitur  
octauum Resp. *Domine præuenisti*:  
quia in Martyrologio multa quidem est  
passus; non tamen effudisse sanguinem  
dicitur: quod enuntiatur in Responso-  
rio, *Hic est verè martyr*, &c. idcirco  
omittendo.

11. Damasi. In d. Appendice Greg.  
& in Cod. Pameliano Sacram. Gre-  
gor. cum Orationibus, alijs à nostris.  
Semiduplex à Pio V. cum Officio  
proprio, excepta Oratione quæ habe-  
tur in Breu. M. S. & edito 1550. sub  
ritu Simplici. Si transfertur, muta  
Versum tertium in Hymno, *Iste con-  
fessor*.

13. Lucia. In Antiphonario & Sa-  
cramentario S. Gregorij, sed post  
S. 2. Gre-

140 Comm. in Rubr. Breuiarij. Sect. VII. Cap. II.

Gregorium, ex Pamelio *ibidem*. Semid. apud Dur. & in Breu. 1521. Duplex à Pio V. addita Homilia ab eodem. Oratio Secreta & Postcommunio discordant à citato Sacramentario Romæ edito, non autem à Codice Pameliano.

15. Eusebij Vercell. Ordinatio: nam ob: jt Cal. Augusti; & quia tunc fit cōmemoratio SS. Machabœorum, Clemens VIII. assignauit illi hanc diem, Io. Stephano Ferrerio Episcopo Vercellensi procurante. S. Ambrosius habuit duos Sermones in eius laudem.

20. 21. De Vigilia & Festo S. Thomæ Apostoli eadem, quæ diximus de sancto Andrea Apostolo. Officium à Gelasio, ex Schulting. Oratio prima, & Secreta Missæ in Sacram. Gregor. Si Vigilia incidat in Feriam Quatuor Temporum, in Missa de Quatuor Temporibus fit commemoratio Vigiliæ, in Officio nihil fit de Vigilia. At, cur non dicuntur duæ Missæ, de Temporibus, & de Vigilia? quia ambæ dicenda forent post Nonam, nulla Hora mediæ inter eas: quod non conuenire docuimus *To. 1. par. 1. tit. 7. n. 2. p. 16.* Si Festum S. Thomæ sit titulus Ecclesiæ, & occurrat in Dominica quarta Aduentus, in Sabbato dici debent Antiphonæ ad Laudes Dominicæ quartæ, cum Antiphona *Expectet*. & in Feria secunda Antiphonæ eiusdem Feriæ, quia Octaua non fit amplius, & Rubrica præcipit in Sabbato eas dici quæ occurruunt ipsa die S. Thomæ, si non transfertur.

25. Anastasiæ. In Sacramentario & Append. Greg. & non fit de ea, nisi in secunda Missa Natiuitatis.

De SS. Stephano, Ioanne, & Innocentibus, vide supra *Sect. 6. cap. 6. pag. 113.*

29. Thomæ Cantuariensis. Calendarium Cisterciense editum Diuione anno 1617. tradit, obiisse die 25. Decemb. iisque diebus impeditis fieri Festum hac die. Ciacconius in Alexander III. scribit, in Festo Innocentum ad Aram fuisse percussum, sed Breuiarium Romanum die 29. occupuisse tradit: cui magis est credendū. Festum circa annum 1200. fuisse institutum, scribit Continuator Sigeberti. Semidup. in Breuiario M. S. Auctor Officij creditur Alexander III. à Schult. Pius V. addidit Homiliam.

31. Siluestri. In Sacram. S. Gregorij. Semid. in Breu. 1550. Duplex à Pio V. Officium à S. Gregorio, ex Cornel. Schultingio. Habetur Officium Missæ in cit. Sacram. & in citato Antiphonario. in Comite S. Hieron. erat Euangel. *Vigilate*.

*De Festis Sanctorum mense Ianuario.*

C A P. I I I.

D E Octauis SS. Stephani, Ioannis & Innocentum, diximus supra *Sect. 6. cap. 6. pag. 114.*

5. Telephori. In Append. Gregor. restituitque Festum Clemens VIII. vel potius instituit commemorationem.

11. Hygini. In dicta Appendice Greg. Simplex in Breu. 1550.

14. Hilarij. In Appendice Gregor. Semid. à Pio V. qui & Officium adidit. erat enim Simplex 1550. Si Festum hoc transferatur, Versus erit, *Iustum deduxit*, &c. quia cessat ratio mutationis in concursu aliorum duorum Confessorum. Vbi verò est primæ classis, dividatur octaua Letatio in duas. In Hymno *Iste confessor mutatur tertius* Versus, ut in Breu. quæ